



UNIVERSITÄTS-  
BIBLIOTHEK  
PADERBORN

**Candidatus Abbreuiatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XXXVI. De Religiosis Domibus, ut Episcopo sint subjectæ.

---

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

4 Dico 3. Religiosi, vi voti *Obedientia* tenentur obedire Superiori, quæ illæ sub culpa præcipit justè, & quæ directè vel indirectè, explicitè vel implicitè, continentur vel pertinent ad Regulam vel Institutum, quod profitentur. Ratio patet ex natura hujus voti. Cùm igitur Superior habeat jus præcipiendi, quod non obsequendū violatur, inobediens Religiosus non modò peccat contra Religionem ratione voti, sed etiam contra Justitiam: imò & peccat contra fidelitatem ob violationem promissionis. Præterea ex hoc voto adstringitur Religiosus ad observationem Regularum, quæ ex intentione Fundatoris obligant sub peccato.

## TITULUS XXXVI.

*De Religiosis Domibus, ut Episcopi sint subjecta.*

## SUMMARIUM.

1. Quid sint loca Religiosa, Sacra, Pia.
2. Per se subsunt jurisdictioni Episcopi.
3. Quid requiratur ad erectionem novi Monasterii.

1 **P**ER *Domos Religiosas* genericè intelliguntur loca cultui Divino vel aliis piis usibus auctoritate Episcopi destinata. Si præter auctoritatem Episcopi non interveniat consecratio, specificè dicuntur *Domus Religiosa*, *Monasteria*, *Collegia*, ac aliæ domus Regularium, *Nosocomia*, *Hospitalia*, *confraternitates*

congregationes &c. Si verò præter authoritatem Episcopi adhibeatur etiam Consecratio, propriè ac specificè vocantur *loca & domus sacra*, uti templa, facella, altaria, pro Divinis officiis deputata. Si denique nec Episcopi autoritas nec consecratio intervenerit, nihilominus tamen ad pia opera charitatis &c. destinata reperiantur loca, propriè ac specificè appellantur *loca & domus pia*, uti Oratoria privata. In communi usu tamen subia promiscuè accipiuntur loca Religiosa, Sacra, & Pia. Si loca ad orandum deputata, seu Oratoria, sint constituta autoritate Episcopi, & in loco publico cum ostio versùs plateam vel viam publicam, vocantur *publica*: si in loco privato, v. g. in ædibus, castris, & sine autoritate Episcopi, sint erecta, dicuntur *privata*.

Dico I. Domus Sacræ, & Religiosæ (non verò 2  
Pia tantùm) de Jure subsunt jurisdictioni Episcopi in tantum, ut ab eo visitari possint, & exigi rationes administrationis, nisi probetur illarum exemptio. *c. 3. 4. 6. 7. h. t. Clem. 2. eod. Trid. s. 22. c. 8. 9. de ref.* Et nisi Hospitalia vel Collegia hujusmodi sint sub immediata protectione Regum, aut aliter in fundatione ordinatum sit. *Trid. lo. cit.* ubi etiam tribuitur Episcopis cura providendi, ut in *Piis* quoque locis, quæ per *c. 4. cit.* argumento à contrario non subesse jurisdictioni Episcopi eruitur à DD. piæ defunctorum voluntates executioni mandentur: item potestas concurrendi cum aliis, ad quos vel ex privilegio, vel consuetudine, vel statuto, pertinet rationum exactio à locis Religiosis.

Dico 2. Ad erigendas novas domus Religio- 3

Pars II.

M

fac

fas (intellige Monasteria) requiritur 1. consensu  
 Episcopi. 2. Parochi loci. 3. Principis & in  
 colarum loci. 4. Religiosorum in vicinia habentium  
 domicilia. 5. Probabilius tamen extra Italia  
 liam non Summi Pontificis. 6. Ut in novo do  
 micilio saltem 12. Religiosi habitare, & vel ex  
 redditibus vel ex consuetis eleemosynis compe  
 tenter sustentari valeant. Sumuntur hæc ex Trid.  
 s. 25. de Regular. c. 3. & ex Recentiorum Pontificum  
 Constitutionibus, nempe *Quoniam ad institutum*  
*Clem. VIII. Cùm aliàs Gregor. XV. Romanus*  
*Urbanus VII. ubi quidem prædictorum consensu,*  
*non tamen Summi Pontificis, mentio fit Trid. lo. cit. sic habet: in Monasteriis & domibus*  
*tam virorum quàm mulierum, bona immobilia possidentibus, vel non possidentibus, is tantum numerus*  
*constituatur, ac impostertum conservetur, qui vel ex redditibus propriis Monasteriorum, vel ex consuetis eleemosynis, commodè possit sustentari, nec de cætero similia loca erigentur sine Episcopi in*  
*cujus diœcesi erigenda sunt, licentia prius obtenta. Vehementer quidem reclamatur, & consensum Summi quoque Pontificis expetit Constit. infrascripta Innoc. X. Sed P. Reiffenstuel ad tit. de Eccl. adif. n. 38. cum communi, ut ait, bene observat, quòd ibi expressè restringatur licentia Pontificis ad Italiam & adjacentes Insulas. Idem rectè advertit, per Concil. Trid. recessum esse à Jure antiquiori. c. un. b. t. in 6. & c. un. de Excess. Præl. ubi requirebatur consensus Pontificis. Adde, quòd in c. Const. Quoniam ad institutum Cùm aliàs. & Romanus. licentia Pontificis solum requiratur pro casu, quo ad illum fuerit appellatum*

rum: ergo extra hunc casum non requiri haud obscure licet inferre.

## TITULUS XXXVII.

### *De Capellis Monachorum, & aliorum Religiosorum.*

#### SUMMARIUM.

1. *Per Capellam venit Ecclesia Curata Monasterio unita.*
2. *Quando & quomodo subjecta sit Episcopo.*

**C**apella hoc loco denotat Ecclesiam Curatam, maximè Parochialem (Beneficium vel Prioratum) incorporatam tamen vel unitam Ecclesiæ Regulari, & positam extra Monasterium. 1

Dico. Hujusmodi Capella, seu Ecclesia Parochialis, siquidem est plenissimo jure incorporata Monasterio, nempe ita, ut integer districtus, in quo existit, unà cum populo sit exemptus ab Episcopo, & Prælatus in eo, tanquam diœcesi parvula, jurisdictionem quasi-Episcopalem exercent, est exempta, & nihil in eo juris habet Episcopus. per *c. 21. de Privil. Trid. f. 25. de Regular. c. 11.* Si verò solum pleno jure, h. e. quoad spiritualia & temporalia simul, sit incorporata, ita ut Prælatus sit Parochus in habitu & principalis in ea, vel si solum incorporata sit quoad temporalia, manet Episcopo in tali capella jurisdictio, ita ut eam visitare & pro cura animarum expositum Religiosum. 2

M 2

etiam